


# LIGAR

# I.E.O.

FUELHA D'INFORMACION

Responsable : G. NICLOT



# R.P.

## AMASSADA GENERALA DEL 20 DE SETEMBRE

Coma o avia decidit l'amassada generala del 17 de junh, l'amassada generala de l'I.E.O.-R.P. se tornèt acampar lo dimarç 20 de setembre. La clavaira fuguèt elegida : Monica FOISSAC ; Domenge ALIBERT fuguèt elegit responsable del sector Estudis.

Fuguèt decidit de nommar pas de responsable per l'animacion mas Roland BODON es cargat de las taulejadas e Frederic SARAILLE, que atal es tanben membre del C.A., s'ocuparà d'un sector "Cants" e d'organisar de festas.

Al C.A. se trapan finalament : Alan SIBE (president), Nicola BORNES (secretaria e C.A. Nacional), Joan-Antoni COSTUMERO (relacions internacionals e C.A.O.R.P.), Domenge ALIBERT (estudis e creacion), Marisa CAYSSIAL, Maïté BOUYSSI, Gerald NICLOT (espondiment), Coleta CODERC, Martina SANCET, Claudi MIALHES, Teresa RAUX, Joan-Claudi MAY (danças), Joan-Renaud DELPLA (lenga), Roland BODON (taulejadas), Frederic SARAILLE (festas e cants).

-----  
Adressa de l'I.E.O.-R.P.  
14 rue Manteuil  
75017 PARIS

Adressa de la Secretaire  
Nicole BORNES  
85 rue de l'Ourcq  
75019 PARIS

*Gérald* 833 09 65  
*Rue Manteuil*  
*bureau 550-654*  
tel. 209.22.31 o  
296.77.10 (oras de bureau)

## ACTIVITATS

CENTRE VALEYRE  
24 rue Rochecouart  
75009 PARIS - Metro : Cadet

- Danças : diluns ser 8.30 (le lundi soir à 20h30)
- Lengas :
  - gascon : dimarç ser 7.30 (le mardi soir à 19h30)
  - provençal : dimarç ser 9 oras (le mardi soir à 21 heures)
  - lenguedocian : dimecre ser 7.30 (le mercredi soir à 19h30).
- Lemosin : MAISON DES CORREZIENS DE PARIS  
11 rue de la Fontaine au Roi  
75011 PARIS - Métro : Saint-Maur  
Tel. 16 (6) 011.26.44 (le soir)
- chade dimecre ser 6.30 (chaque mercredi soir à 18h30).

- Disques novels :

- Rosina de Peira e Martina - "Cançons de trobadors"
- Los deu Larvath - "Cap a la paciència"
- Padena - "Istòrias pebradas" (los tres chas Revolum)
- Gensemin : "Mos sovenirs" per lo Marceu Esquieu

- Libres :

- Question de langue de R. Chatbert (Vent-Terral)
- "Retrach d'un colonisat" de A. Memmi (Vent-Terral) - per sortir
- Di donalas per nòstre temps (Pòesias tradicionalas d'Auvernha)
- En projecte, una revista de bandas dessinadas. Los dessinhaires son trobats. Mas los voluntaris se podon far conéisser. Per totas entresenhas : C. SICRE 5 Car. Arnaud Bernard 31000 TOLOSA

- Lo Sector Recerca rapela a totis qu'una enquesta suls occitans en region parisenca es estada lançada al mes de mai. Un questionari deu esser diffusit. Coneissetz totis d'occitans (pas occitanistas) que vivon a Paris : demandatz-lor de remplir un questionari. Per totas entresenhas : Luceta BAYLE-346.44.75.

- TAULEJADA

lo 22 d'OTOBRE de 1983  
al C.E.P. - 33 rue Linné - 75005 PARIS - Metro : Jussieu

- Radiòs :

- NANAS RADOPEUSES : una emission occitana d'una orada cada mes (amb Coleta) - 103.10 Mhz
- Radiò La Boucle : une orada cada setmana 103.4 Mhz - benlèu un cambiament de frequéncia : 94.4 Mhz.
- Radiò-Pays : la derogacion obtenguda a pas reglat tots los problemas amb los sòcis impausats per l'Autoritat Nauta. Per ara, Radio-Pais emet amb lo sieu material sur 103.10 Mhz. La lucha contunha per impausar las culturas e las lengas dels pòbles de França sus las ondas.

- Lo Sector Espandiment :

va realisar un bulletin trimestrial consacrat a la cultura occitana (critica literaria, soscadissas, mots crosats, receptas artisanalas...). Totis los qu'an quicòm entre las doas aurelhas pòdon mandar una contri-bucion. Per aqueste Bulletin adressatz-vos a la Martina SANCET - 5 square du Nouveau Belleville - 75020 PARIS.

- Teatre occitan :

Los que son interessats se pòdon adreïçar à la Nicola BORNES.

- Corses d'Occitan sur F.R.3 Bordeu, realisats per Marceu ESQUIEU (gascon, lemosin, lengadocian).

- Coleta cerca de monde per far de las emissions a Radiò La Bòcla, totis los dimècres de 10 oras del ser a 11oras, e, se sètz pro valents, fins a mièjanuèch. (C. Coderc, 997 68 55)

- Per parèisser a las edicions Aubanel (7, plaça San Peire, Avinhon) lovvolum tresen de las obras completas de T. Aubanel; "Las fuèlhas perdudas", edicion bilinga.

# INSTITUT D'ESTUDIS OCCITANS

Organisme reconeigut d'utilitat publica

Sièti social : TOLOSA.

Secretariat : Alan ROCH, 11290 ARZENS

Tél. (68) 76 23 41

## AMASSA !

Aquí dos ans que la gaucha, portaira del projèct de la regionalisacion n'acaba pas de remandar a deman l'officialisacion de las culturas de FRANÇA e amb elas la rehabilitacion de las lengas minorisadas.

L'opinion occitana es deçaupuda de veire la television mercandejar qualques minutas e l'ensenhament de l'occitan pas quitar d'èsser a la talvèra del servici public qu'es l'escòla mentre que las novèlas « regions » abocinon una comunautat alluòc de li donar un projèct collectiu. Maissanta volontat de l'Estat o incapacitat del movement occitan ?

L'ora es pr'aquò a engranjar **al pus lèu** çò qu'es possible e necessari d'obténer per permetre l'emergéncia d'una cultura occitana contemporanèa : i arribarem pas cadun dins son canton mas sonque per **un esfòrç comun**, coordinat, decisiu.

Lo Consèlh d'Admenistracion Nacional de l'I.E.O., conscient que, relèva de sa fonccion voïguda per sos fundadors, d'armonisar e de coordinar l'accion occitanista, decidèt de convocar los sòcis e l'ensemble de las associacions occitanas al recampament vengut necessari.

S'agis pas tant de fargar un novèl « Collectiu reivindicatiu » qu'a lo meriti d'existir, que de fargar un malhum que partiria de la realitat del trabalh, de las realisations, de las luchas de cada region, de cada associacion, per lor donar mai de pès, d'eficacitat, per far conèisser al nivèl pan-occitan l'acquesit de cadun e evitar l'enfangament dins lo localisme e lo passeïsme.

**L'INSTITUT D'ESTUDIS OCCITANS** deu e pòt esser un luòc de confrontacions contradictòrias.

Lo Consèlh d'Admenistracion Nacional de l'I.E.O. vos convida donc a venir pausar las basas d'una tala empresa a l'ocasion de son Amassada Generala que se tindrà a PICAPOL (Escòla Occitana d'Estiu) los **17 e 18 de Decembre**.

Apuèi l'A.G. estatutària e lo sopar, sètz convidats a préner part a la **refleccion comuna** a l'entorn dels tres tèms :

- Cossì expandir la creacion occitana ?
- Ont ne son los Occitans de sa pròpria coneissença ?
- Quanhas relacions entre los organismes occitans ?

La reunion s'acabarà dins la jornada del dimenge.

A plan lèu !

Per lo C.A. Nacional de l'I.E.O. : lo President,

Bernat GIACOMO.